



Na osnovu člana 16. stav (3) tačka r), y) i cc) Odluke o izvršavanju Budžeta Općine Novo Sarajevo za 2025. godinu („Službene novine Kantona Sarajevo“ broj: 6/25) i člana 6. Pravilnika o uslovima i načinu dodjele sredstava udruženjima od javnog interesa iz oblasti omladinskog i amaterskog sporta, očuvanja kulturno-umjetničke tradicije i obrazovanja na području općine Novo Sarajevo („Službene novine Kantona Sarajevo“ broj: 9/25), Općinska načelnica Općine Novo Sarajevo, raspisuje

## JAVNI POZIV

**za dodjelu sredstava udruženjima od javnog interesa iz oblasti omladinskog i amaterskog sporta, očuvanja kulturno-umjetničke tradicije i obrazovanja na području općine Novo Sarajevo**

### I- OPĆE ODREDBE

Predmet ovog Javnog poziva je dodjela sredstava planiranih u Budžetu Općine Novo Sarajevo za 2025. godinu, na pozicijama za finansiranje udruženja od javnog interesa iz oblasti omladinskog i amaterskog sporta, kulture i očuvanja kulturno-umjetničkog stvaralaštva i oblasti obrazovanja.

### II PRAVO UČEŠĆA

Pravo učešća u ovom Javnom pozivu imaju udruženja od javnog interesa koja su kao takva proglašena Odlukom o utvrđivanju javnog interesa u afirmaciji omladinskog i amaterskog sporta i očuvanju kulturno-umjetničke tradicije od značaja za Općinu Novo Sarajevo ("Službene novine Kantona Sarajevo" broj: 32/17, 42/20 i 11/24) i Odlukom o proglašenju Udruženja "Obrazovanje gradi Bosnu i Hercegovinu - Jovan Divjak" od javnog interesa za Općinu Novo Sarajevo ("Službene novine Kantona Sarajevo" broj: 19/22).

### III VRSTE TROŠKOVA KOJI SE FINANSIRAJU

Dodijeljena sredstva koristit će se za sufinansiranje aktivnosti udruženja od javnog interesa i to:

- plaćanje režijskih troškova,
- plaćanje troškova realizacije programskih aktivnosti,
- plaćanje troškova nabavke opreme za realizaciju programskih aktivnosti,
- plaćanje ostalih troškova neophodnih za rad udruženja od javnog interesa.

### IV KRITERIJI ZA DODJELU SREDSTAVA

Raspored sredstava proglašenim udruženjima od javnog interesa vršit će se na osnovu sljedećih kriterija:

- broj programskih aktivnosti na području Općine,
- usklađenost programskih aktivnosti i ciljeva udruženja sa javnim interesom Općine utvrđenim važećim odlukama Općinskog vijeća,
- broj korisnika programskih aktivnosti na području Općine,
- uzrast korisnika programskih aktivnosti na području Općine,
- godine postojanja udruženja,
- rezultati udruženja u oblasti za koju je proglašeno od javnog interesa,
- iskazani troškovi u projektu – prijedlogu za finansiranje/sufinansiranje u skladu vrstom troškova koji se finansiraju, odnosno u skladu sa članom 4. Pravilnika o uslovima i načinu dodjele sredstava udruženjima od javnog interesa iz oblasti omladinskog i amaterskog sporta,

očuvanja kulturno-umjetničke tradicije i obrazovanja na području općine Novo Sarajevo, odnosno u skladu sa Odjeljkom III ovog Javnog poziva.

Pravo na dodjelu sredstava ostvaruju samo ona udruženja od interesa, koja su opravdala dodijeljena budžetska sredstva od strane Općine Novo Sarajevo u prethodnoj godini i koja uredno izmiruju obaveze prema pravnim licima čiji je osnivač Općina Novo Sarajevo.

## V MAKSIMALNA VISINA SREDSTVA

Sredstva za ovu namjenu obezbijedena su u Budžetu Općine Novo Sarajevo za 2025. godinu na ekonomskim kodovima 614300 – Transfer za finansiranje udruženja od javnog interesa iz oblasti kulture u iznosu od 20.000,00 KM, 614300 – Transfer za finansiranje udruženja od javnog interesa za oblast omladinskog i amaterskog sporta u iznosu od 480.000,00 KM i 614300 – Transfer za finansiranje udruženja od javnog interesa u oblasti obrazovanja u iznosu od 20.000,00 KM.

Udruženje od javnog interesa koje na području Općine ima manje od 10 programskih aktivnosti godišnje i manje od 100 korisnika programskih aktivnosti u toku godine, ne može dobiti više od 5% sredstava od ukupnog iznosa koji je planiran u budžetskoj godini za konkretnu oblast.

Udruženje od javnog interesa koje na području Općine ima više od 10 programskih aktivnosti godišnje i više od 100 korisnika programskih aktivnosti u toku godine, ne može dobiti više od 95% sredstava od ukupnog iznosa koji je planiran u budžetskoj godini za konkretnu oblast. Izuzetno od prethodno navedenog, udruženju od javnog interesa koje je kao takvo jedino proglašeno u konkretnoj oblasti, može se dodijeliti i cjelokupan iznos planiranih sredstava, ukoliko zadovoljava propisane kriterije, te ukoliko je to opravdano dostavljenim projektom/prijedlogom za finansiranje/sufinansiranje troškova.

## VI POTREBNA DOKUMENTACIJA

- a) prijava na Javni poziv potpisana i ovjerena od strane ovlaštenog lica podnesena na Prijavnom obrascu broj NS-OB-381,
- b) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci,
- c) uvjerenje o poreznoj registraciji podnosioca projekta (identifikacijski broj),
- d) uvjerenje o poreznoj registraciji indirektnih poreza (ukoliko je korisnik u sistemu PDV-a),
- e) uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda, ne starije, odnosno ne stariji od tri mjeseca od dana objavljivanja Javnog poziva,
- f) izjava o broju programskih aktivnosti u toku godine - ovjerena kod nadležnog organa,
- g) izjava o broju i uzrastu korisnika programskih aktivnosti u toku godine - ovjerena kod nadležnog organa,
- h) dokaz o rezultatima udruženja u oblasti u kojoj je proglašeno od značaja (na primjer: broj registrovanih članova, plasman na tablici, učešće na državnim i međunarodnim takmičenjima, festivalima, smotrama, uspjesi i nagrade, aktivnosti na promociji volonterizma, timskog rada, kulturno-umjetničkog amaterizma i Općine i slično),
- i) prijedlog projekta za finansiranje/sufinansiranje u skladu sa članom 4. Pravilnika o uslovima i načinu dodjele sredstava udruženjima od javnog interesa iz oblasti omladinskog i amaterskog sporta, očuvanja kulturno-umjetničke tradicije i obrazovanja na području općine Novo Sarajevo sa detaljnom specifikacijom troškova, odnosno u skladu sa Odjeljkom III ovog Javnog poziva,



- j) potvrda poslovne banke da račun nije blokirana iz koje se vidi broj transakcijskog računa - ne starija od tri mjeseca od dana objave Javnog poziva.

**Dokumentacija se podnosi u originalu ili ovjerenoj kopiji na starijoj od 6 mjeseci.**

## VII ROK PRIJAVLJIVANJA

Rok za predaju prijave na Javni poziv počinje teći narednog dana od dana objavljivanja Javnog poziva na službenoj web stranici Općine Novo Sarajevo. Javni poziv ostaje otvoren 30 dana od dana objave, odnosno do 18.04.2025. godine.

## VIII NAČIN PRIJAVE NA JAVNI POZIV

Prijava na Javni poziv dostavlja se na Prijavnom obrascu NS-OB-381 sa kompletnom zahtjevanom dokumentacijom u zatvorenoj koverti, putem protokola Općine Novo Sarajevo tokom radnih dana (ponedjeljak-petak) ili preporučeno putem pošte, na adresu:

*Općina Novo Sarajevo  
Zmaja od Bosne broj 55  
71000 Sarajevo  
Bosna i Hercegovina*

sa naznakom:

**„za Komisiju za odabir korisnika - JAVNI POZIV  
za dodjelu sredstava udruženjima od javnog interesa iz oblasti omladinskog i amaterskog  
sporta, očuvanja kulturno-umjetničke tradicije i obrazovanja na području općine Novo  
Sarajevo – NE OTVARATI“**

**Na koverti mora biti naznačeno: *puni naziv udruženja i adresa sjedišta udruženja kao podnosioca dokumentacije.***

Prijavni obrazac NS-OB-381 dostupan je na web stranici i u šalter sali Općine Novo Sarajevo.

## IX NAČIN ODABIRA KORISNIKA

Odabir korisnika sredstava vrši Komisija za odabir korisnika koju imenuje Općinska načelnica (u daljem tekstu Komisija). Komisija se sastoji od tri člana i jednog zamjenskog člana, koji su uposlenici Općine Novo Sarajevo.

Prijave kandidata koje ne ispunjavaju sve formalne uslove iz Javnog poziva ili koje se ne odnose na aktivnosti koje će biti finansirane neće biti uzete u razmatranje.

Komisija zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

## X OBAVJEŠTAVANJE PRIJAVLJENIH KANDIDATA

Komisija obavještava kandidate koji nisu ispunili uslove Javnog poziva o razlozima nerazmatranja njihove prijave. Na ovu obavijest Komisije moguće je uložiti prigovor Općinskoj načelnici u roku od 5 (pet) dana od dana prijema obavijesti.

Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora Općinskoj načelnici, u roku od 5 (pet) dana, od dana zaprimanja obavijesti. Po konačnosti prijedloga za finansiranje Općinska načelnica donosi zaključak o odobravanju isplate sredstava.


Sa korisnicima sredstava kojima su dodijeljena sredstva sklopit će se Ugovor o namjenskom utrošku sredstava i isti su dužni najkasnije do 15.12.2025. godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Korisnici sredstava čiji se projekti i aktivnosti finansiraju/sufinansiraju putem ovog Javnog poziva u iznosu preko 100.000,00 KM imaju obavezu otvaranja posebnog transakcijskog računa/podračuna za doznačavanje dodjeljenih sredstava. **Prihvataju se troškovi koji su nastali u periodu od 01.01. do 31.12.2025. godine.**

## XI OSTALA PITANJA

Sve dodatne informacije vezane za Javni poziv mogu se dobiti svakim radnim danom, putem telefona: 033 492 187 i 033 492 189 ili e-mail adrese obrazovanje@novosarajevo.ba.

Dostavljena dokumentacija neće se vraćati podnosiocima prijave po ovom Javnom pozivu.

Broj: 16-11-3-2563/25  
Sarajevo, 18. 02. .2025. godine



**OPĆINSKA NAČELNICA**

**Prof. dr. Benjamina Karić**